

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 60 (1975)
Heft: 5

Artikel: Poesias
Autor: Caviezel, Leontina
DOI: <https://doi.org/10.5169/seals-882394>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 06.05.2025

ETH-Bibliothek Zürich, E-Periodica, <https://www.e-periodica.ch>

Poesias

da Leontina Caviezel

Amur che varga

el ei naven
ha emblidau
– lezza notg

mo ella, ella resta
en mesa desperaziun
– tgei far?

gis e gis sco meins ed onns
la decisiun secloma:
– disfar

in esser miera,
in esser human
che ha mai viu la glisch dil mund
er buca sia schliatadad

si'olma cloma, grescha:
mumma pertgei, pertgei
hai jeu buca il dretg
da viver sco ti? –

Veta nova

– ei cufla
neiv cuviera
tuttas regurdientschas
mo ti,
ti drovas quellas
per continuar
ti vul viver
sco tochen dacheu
– ei cufla

– ei cufla
tut semida
era tut tes amitgs
mo ti,
ti vul buca quei
temas il futur
e setegnas
vid fils rumpeivels
dil vargau
– ei cufla

neiv, neiv, neiv
tut ei freid
dir, criu
tut schela
oh, sededesta
emblida
il vargau
ina veta nova
ha entschiet
emblida
s'adattescha
hagies confidanza
demuossa curascha
entscheiva ina
– veta nova.